

卷

四

楊

敬

直

解

日
初
敬
署



中華民國十八年八月初版

定價一圓

刻經人

萬佛空

發行處兼藏版處

上海法租界西門路潤安里廿八號佛學研究社

歡迎流通

流通處

各省
上海
佛敎會
功德林
佛經流通處
醫學書局
居士林

楞嚴經直解卷九

(二)色界十八天

初禪三天

(一)梵衆天

初禪伏舌鼻

二識爲離生

喜樂地

阿難。世間一切所修心人。不假禪那。無有智慧。但能執身不行。婬欲。若行若坐。想念俱無。愛染不生。無留欲界。是人應念身爲梵侶。如是一類。名梵衆天。

此明色界四禪十八天也。前六欲天雖出塵擾。而未能絕欲。故通名欲界。自此已下明色界十八天。雖離欲染。尙有色質。故通名色界。又通名梵世。因已離欲染也。又通號四禪。爲已離散動也。行十善業。感生六欲天。能兼禪定。卽感生色界禪天。此先明初禪天也。言世間一切所修心者。非實得真修心法也。不假禪那者。以其僅伏下地思惑。不知出世妙定也。無有智慧者。以其不修出世妙慧也。身不行婬者。謂以有漏靜慮爲因地心。制彼婬習。於一切時想念俱無。究非無漏清淨清白梵行也。因其身心能以俱潔。下無卜居。故於命終時。應念而生梵天爲梵民也。蓋前欲天形雖出動。能以制其不動。而心迹尙有交相。祇可生欲天而不可

(二) 梵輔天。
此天戒與定共也。

(三) 大梵天。
此天戒與慧俱也。

生梵天。此則想念俱無。故可以爲梵天伴侶也。

欲習既除。離欲心現。於諸律儀。愛樂隨順。是人應時能行梵德。
如是一類。名梵輔天。

此初禪第二天也。欲習既除。定心明露矣。既能離欲。故於律儀無不愛樂隨順。覺念成熟。應念能行梵德。曰梵輔天。

身心妙圓。威儀不缺。清淨禁戒。加以明悟。是人應時能統梵衆。
爲大梵王。如是一類。名大梵天。

此初禪第三天也。身心妙圓者。遠離欲界一切粗濁。謂之妙。較前二天優勝。謂之圓。然究非慧性圓明可比也。加以明悟者。由其威儀不缺。慧勝前天。故得爲梵王也。

初禪三天通結

阿難。此三勝流。一切苦惱所不能逼。雖非正修真三摩地。清淨

心中諸漏不動名爲初禪。

此結示初禪三天也。言勝流者。謂非初機之入流爲勝。蓋背下界之欲流也。此天以尋伺覺觀不淨慈悲治欲界粗障。故能離欲盡苦受。欲界煩惱所不能逼。離欲生喜。名離生喜樂地。此雖非眞三摩地。然戒心清淨。漏心已伏。不爲欲習所動矣。此天雖離欲火。然內有覺觀擾亂。外感火災。故火災懷初禪也。

初心在緣。名爲覺行。
細心分別。名爲觀行。

二禪三天

(二)少光天

(二)無量光

天

二禪由定力

阿難。其次梵天。統攝梵人。圓滿梵行。澄心不動。寂湛生光。如是一類。名少光天。

此二禪初天也。圓滿梵行者。勝梵天之行也。澄心不動者。已無覺觀。不起現行也。寂湛生光者。云湛而常寂。心水澄清。不動而生光耀也。少光者。云光明如天光初發。非日輪升天也。此皆因我法執未破。故光明未能圓滿周徧也。

光光相然。照耀無盡。映十方界。徧成瑠璃。如是一類。名無量光

天。

伏前五識。爲定生喜樂地。湛不搖處。還是識陰區宇也。

(三) 光音天

此二禪二天也。從前少光。更發多光。故光光互明。成琉璃色。徧映十方界也。此無量光。由心水澄清湛不搖處所發。尙非內含寶月。如淨琉璃之光也。

吸持圓光。成就教體。發化清淨。應用無盡。如是一類。名光音天。

此二禪三天也。吸圓光成教體者。因此天已無尋伺。故無語言。惟以光明發清淨化以表言詮。以光爲教體。應用無窮。名光音天。

結 二禪三天通

阿難。此三勝流。一切憂懸所不能逼。雖非正修真二摩地。清淨心中。麤漏已伏。名爲二禪。

此結示三天名二禪也。此三天總名定生喜樂地。由覺觀心息。故名定生。若淨鑑止水。故身心適悅。此亦名喜俱禪。因定生時與喜俱發故也。得此定喜。滅世間一切煩惱。故憂懸不能逼也。粗漏已伏者。以定力伏前五識也。由二禪伏前五識。故無尋伺。因有喜樂。故未能伏六

三禪三天

(一)少淨天

三禪伏意識

分別現行故

得妙樂爲離

喜妙樂地

精行者離喜

支也

(二)無量淨

天

識。內有喜水擾動。故二禪外感水災也。前三天以戒勝。此三天以定勝也。

阿難。如是天人。圓光成音。披音露妙。發成精行。通寂滅樂。如是
一類。名少淨天。

此三禪第一天也。圓光成音者。指前天而言也。然前天有喜心分別擾動。能障定樂。此天轉寂。披音顯妙理。依理發精行。冥通寂滅之樂。定樂初通。淨空初顯。故曰少淨矣。此寂滅樂。因伏六識。故相似二乘之寂滅。究非生滅既滅。寂滅現前可比也。

淨空現前。引發無際。身心輕安。成寂滅樂。如是一類。名無量淨天。

此二禪二天也。伏六識而似得人空。故曰淨空現前。引發無際者。謂擴而充之。則喜心愈寂。淨空愈廣也。成寂滅樂者。云身心輕安也。雖云輕安。還有身受心受。尙非忘身心之真寂滅樂也。此天由淨空而能推廣無際。故名無量淨天也。

(三)徧淨天

世界身心一切圓淨。淨德成就。勝託現前。歸寂滅樂。如是一類名徧淨天。

此三禪三天也。前天得意地樂。止在身心。未名爲徧。今則根身器界。觸處無非妙樂。樂至此極。便認此爲清淨極樂之鄉。終身歸託之地。此天雖曰徧淨。然曰託曰歸。仍有處所。尙非寂滅眞際也。

三禪通結

阿難。此三勝流。具大隨順。身心安隱。得無量樂。雖非正得眞三摩地。安隱心中。歡喜畢具。名爲三禪。

此結示三禪三天也。具大隨順者。言此妙樂。無不隨心順意也。身心安隱者。言前二禪心有喜受。故多散動。不得身親受樂。今喜受已除。身心皆受妙樂。故曰安隱。此天已伏意識。無喜受。然尙有出入息擾亂。故感風災壞此三禪也。

四禪九天

(一)福生天

四禪伏意識

分別種子故

能捨心爲捨

念清淨地

(二)福愛天

阿難。復次天人。不逼身心。苦因已盡。樂非常住。久必壞生。苦樂

二心俱時頓捨。麤重相滅。淨福性生。如是一類。名福生天。

此四禪第一天也。復次下結三禪之德。樂非下顯三禪之過。苦樂頓捨顯四禪之勝。蓋初禪離苦受。有憂受。二禪離憂受。有喜受。三禪離喜受。有樂受。此天則知樂受亦不常。故將苦樂二心。一時頓捨。樂既謝滅。則不動之定。與捨俱發。內心湛然。不苦不樂。名捨念清淨地。禪心住無動。粗重相滅。尋伺苦憂喜樂及出入息皆斷。由不受妙樂。淨福發生。名福生天。

捨心圓融。勝解清淨。福無遮中。得妙隨順。窮未來際。如是一類。名福愛天。

此四禪第二天也。前捨心初生。尙未至圓融。至此則樂念全捨。故曰圓融於捨心中。勝解清淨。不爲異緣所轉。淨福無遮無礙。有所願求。故得妙隨順。無不如意。窮於未來者。云三災不到。受報無窮。然尙非眞得常住之法也。此天積福。別有愛求。卽下之二歧路也。

(三) 廣果天

阿難。從是天中。有二歧路。若於先心無量淨光。福德圓明。修證而住。如是一類。名廣果天。

捨俱者。不動定與捨俱發也。
四無量心。慈悲喜捨也。

(四) 無想天

此四禪第三天也。是天中。指福愛天而言也。有二歧路者。一迂往道。趣廣果。二迂僻道。趣無想也。先心者。即指福愛圓融捨心也。無量淨光。即捨俱禪所發定光也。福德圓明。修證而住者。以初禪戒勝。二禪三禪定慧皆勝。是淨德圓明。至於四禪。則全是福報。若淨福圓明。即從福愛天無量光中。修四無量心。滋長福德。證廣大果。名廣果天。色界諸天所感福報至此爲極。第四無想天。是福愛天之差支。下五不還天。是三果聖人之別處也。

若於先心。雙厭苦樂。精研捨心。相續不斷。圓窮捨道。身心俱滅。心慮灰凝。經五百劫。是人既以生滅爲因。不能發明不生滅性。初半劫滅。後半劫生。如是一類。名無想天。

此四禪天之別支也。先心指福愛天言。廣果天厭苦樂而增修福慧。此天則厭苦樂而精研捨心。所謂二種歧路也。首二句攝前精研捨心者。謂以定力深搜其捨處也。相續不斷者。功無間歇也。圓窮捨道者。必欲究尋其能捨之心念也。身心俱滅者。捨其定而趨無想也。心慮灰凝者。如夾冰魚。壓石草。暫爾不行。非真正心行路絕時也。經五百劫者。言從初生以至壽終。凡經五百大劫也。此錯修不得真果。以生滅爲因。不能感不生滅果也。初半劫滅者。言初生此天。習定半劫。始得滅想。後半劫生者。云此天報盡。在四百九十九劫半後。想心復生也。或問此無想定。與滅盡定。有何差別。答曰。滅盡定。既滅第六識。兼滅第七識染分。無想天但滅六識分別見。七識染分尚在。故其邪見尙未能盡。報盡而想心復生也。或問曰。身界俱空。與四空何異。答曰。出定則有。故不同也。此三界總有二十八天也。二惟凡位。五惟聖位。其餘皆是凡聖同居也。二凡位者。一大梵天。不達業因。妄說己能造一切天地人物。恃此憍慢。輕蔑一切聖人。故聖賢不居。一無想天。亦惟凡住。惟外道修無想定者。生此天。受五百劫無心之報。因其不達真理。妄爲涅槃。受報畢。必起邪見。謗阿羅漢。身遭後有。復遭淪墮。此所以聖人亦不居也。五惟聖位者。卽下五那含天也。

阿難。此四勝流。一切世間諸苦樂境。所不能動。雖非無爲。眞不

動地。有所得心。功用純熟。名爲四禪。

此結示四天名四禪天也。由苦樂雙亡。故心念不動。此不動非真無爲不動也。眞如無爲不動。是滅六盡七復入之本體。此之不動。但能伏六識之種子也。初禪伏鼻舌二識。二禪伏前五識。三禪伏意識分別現行。故得妙樂。四禪伏意識分別種子。故得捨心。此全在六識分中也。

五不還天

執己見解曰

見惑。

愛思雜染曰

思惑。

九地。五趣雜

居地。此爲欲

界九品。

離生喜樂地

定生喜樂地

離喜妙樂地

捨念清淨地

阿難。此中復有五不還天。於下界中九品習氣。俱時滅盡。苦樂雙亡。下無卜居。故於捨心衆同分中。安立居處。

此明五不還天。是四禪之別報也。言不還者。卽第三果以斷盡欲界九品思惑。不復欲界受生也。言習氣者。卽思惑種子。謂貪瞋癡慢任運而起微細之惑也。初果斷見惑八十八使。二果破思惑六品。三果破思惑九品。不生欲界。卽住色界五不還修。天夾重禪。斷色界無色界七十二品盡。永出三界。名四果阿羅漢。三界分九地。地各分九品。今斷欲界一地九品。故苦亡而欲界無卜居。復斷上三地各九品。故樂亡而色界三地無卜居。惟四禪是其同分。故獨

於此卜居也。

此色界三十六品

上三地指三

禪也

(一)無煩天

(二)無熱天

此根塵不交

境界

念放謂機。

念收謂括。

(三)善見天

阿難。苦樂兩滅。鬪心不交。如是一類。名無煩天。

此明五不還天第一天也。苦樂未亡時。則欣厭二心。交戰胸中。故煩燥。今既苦樂兩忘。則心不交鬪。漸入冷淡。故無煩燥也。此天似在離生喜樂地。斷九品思惑時也。

機括獨行。研交無地。如是一類。名無熱天。

此不還第二天也。機者發動也。括者收斂也。言心之或發或止。毫無苦樂繫著。常行於獨。故曰機括獨行。前雖鬪心不交。尚有交地。今併其交地。亦復研盡。則心如冰壺。併微煩之熱亦無矣。此天似斷定生喜樂地中九品思惑。

十方世界。妙見圓澄。更無塵象。一切沈垢。如是一類。名善見天。

此不還第三天也。煩熱既除。內心澄瑩。發天眼通。故見量徧十方界。所見之境。觸處皆妙。故曰妙見圓澄。塵象是境。塵垢是惑。正顯心境兩忘。故所見皆善也。此天似斷離喜妙樂地中之九品思惑也。

(四)善現天

精見現前。陶鑄無礙。如是一類。名善現天。

此不還第四天也。範土曰陶。鎔金曰鑄。由天眼淨一見則通。故能鎔鍊自在。若陶冶之鑄物。隨心成就。更無隔礙。故名善現。前由心鬪。而所見所現。猶未盡善。此由心不鬪。而所見所現。皆盡善也。故曰善見善現。此天似斷捨念清淨地中之九品思惑也。

(五)色究竟天

究竟羣幾。窮色性性。入無邊際。如是一類。名色究竟天。

此不還第五天也。究竟者。研窮也。幾者微也。言窮色而至於極微也。此云不但窮色至於極微。復能窮色性之性。從何處起。窮色性入無邊際。故曰色究竟。此天似斷四空四地三十六品思惑也。以色究竟是盡色。四空亦究竟離色也。

五不還天通結

阿難。此不還天。彼諸四禪四位天王。獨有欽聞。不能知見。如今世間曠野深山。聖道場地。皆阿羅漢所住持故。世間麤人。所不能見。

色界通結

此從色無色
間分二種歧
路也。

此結示五不還天。惟是聖居也。凡生彼天者。須得四禪定。發無漏慧。起熏禪業。或起一品。乃至九品。方始得生。凡夫無此熏禪業。故不得生。四禪天王。但欽其名。不能見者。以四禪天修有漏凡定。五天修無漏聖定。凡聖不相及。故不見也。道場地者。卽如今之有名諸菩薩道場也。昔雲居膺師結庵三峯。經旬不赴堂。洞山問曰。汝近日何不赴堂。膺師曰。每日有天人送供。山曰。我將謂汝是個人。誰知汝還有這等見解。汝去去晚來。膺晚謁洞山。山召曰。不思善。不思惡。是甚麼。膺回庵寂然宴坐。天人尋覓三日不見。乃絕。此四天王不見五天。亦猶天人。不見膺師也。

阿難。是十八天。獨行無交。未盡形累。自此以還。名爲色界。

此結束色界天也。獨行無交者。無情欲也。未盡形累者。尙有色質也。自色究竟以至梵衆。皆色界攝也。

復次阿難。從是有頂。色邊際中。其間復有二種歧路。若於捨心。發明智慧。慧光圓通。便出塵界。成阿羅漢。入菩薩乘。如是一類。

名爲迴心大阿羅漢。

此標聖獨出也。究竟居色頂。故曰有頂。與無色鄰。故曰色邊際。由三果根有利鈍。故於捨心復分二種歧路。其利根者。研窮色性。徹見性色真空。性空眞色。發無漏慧。慧光圓通。橫出無色。入菩薩乘。名大羅漢。若鈍根者。於捨心時窮盡色陰。生無色界。漸斷漸證。豎出三界也。

若在捨心捨厭成就覺身爲礙銷礙入空如是一類名爲空處。

無色界四天
(一)空無邊處

此無色界第一天也。行人厭患色身如牢獄。心欲出離。卽修觀智破色入空。名空定處。首二句是前天境界。覺身爲碍者。覺有身爲質碍而不自在也。銷碍入空者。修空觀而滅身歸無也。大經云。超一切色想。滅有對想。不念種種想。入無邊虛空。住空無邊處。超一切色者。超可見可對之色也。滅有對想者。滅可對不可見之色也。不念種種想者。超不可對不可見之色也。此三想絕。卽入空理。捨心有二。一者於有頂處。用無漏慧斷惑入空。卽樂定那含。二者於廣果天用有漏道。伏惑入空。卽凡夫外道。

(二)識無邊處

諸礙旣銷。無碍無滅。其中惟留阿賴耶識。全於末那半分微細。

無礙無滅者。
云將無礙之
無亦滅也。

(三)無所有
處

如是一類名爲識處。

此無色界二天也。行人厭患虛空能破定。又捨虛空而專緣識。心與識法相應。名識處定。諸碍既銷而無。則不依於色。無碍之無亦滅。則不依於空。惟留阿賴末那。卽厭空依識也。阿賴耶是八識。末那是七識。全於末那半分者。云第六分別已伏。又將業運不停之七識。伏其半分不起。留其半分微細之處。行人卽住此不動。名曰識處。或問曰。末那賴耶。羅漢未了。凡外那含。何能知之。答曰。此自佛眼了見。與之作名。此種微細。究非彼所知也。法華云。衆生住於種種諸地。惟有如來如實知也。

空色既亡。識心都滅。十力寂然。迴無攸往。如是一類名無所有處。

此無色第三天也。行人又厭患此識。緣多則散。捨此而依無所有法。名無所有處定。空色既亡者。指前天而言也。識心都滅者。云將半分末那已滅也。此時若不執能所。卽復歸本湛。惜又有所執。厭識歸無。落於無無之所以。空暗爲自體。所謂杳杳冥冥之處。昏昏默默之鄉。外